

安徽府縣志輯

中國地方志集成

道光阜陽縣志

民國阜陽縣志續編

道光阜陽縣志



(清) 劉虎文
(清) 周天爵 修
(清) 李復慶等 纂

51.65.02

責任編輯 薛飛
封面設計 范一辛
美術編輯 姜嵩

中國地方志集成

安徽府縣志輯②③

出版發行 江蘇古籍出版社

社址 南京市中央路一六五號

發行部電話 〇二五—三三三三四六二

郵編 二一〇〇〇九

印刷 上海市印刷七廠

定價 二四八元

1998年4月第1版第1次印刷

ISBN 7—80519—980—9/K·459

阜陽縣志卷首總目

卷首

諸圖

卷一

輿地志一

沿革表 道里 分野

卷二

輿地志二

山 水 古蹟

卷三

建置志 總目

建置志

城池 諸鄉 祀地 官廨 學所 津梁

驛鋪 寺觀 墳墓

卷四

食貨志

田賦 積貯 蠲賑 物產

卷五

風俗志

四民 禮節 歲時

卷六

學校志

廟祀 學額 書籍 學田 書院 義學

卷七

武備志

營額 俸餉 器械 操演 馬政

卷八

秩官志

封爵世表 歷代秩官表 明文秩年表

明武秩年表 清文秩年表 清武秩姓氏表

卷九

選舉志 總目

選舉志

薦辟表 文武進士科表 文武舉人科表

諸貢年表 雜進仕官表 封廕表

卷十

官業志 無子目

卷十一

人物志一

仕績 孝友

卷十二

人物志二

忠節文苑	卷十三	人物志三	義行 隱逸 方技 仙釋 寓賢	卷十四	列女志一	孝婦 節孝	卷十五	列女志二	節婦 未冠	阜陽縣志前 卷首	總目	卷十六	列女志三	烈婦 貞女 烈女	卷十七	藝文志一	奏議 賦 啟 書	卷十八	藝文志二	引 跋 攷 辨 銘 傳	碑文
------	-----	------	----------------	-----	------	-------	-----	------	-------	-------------	----	-----	------	----------	-----	------	----------	-----	------	-------------	----

卷十九	藝文志三	記	卷二十	藝文志四	序	卷二十一	藝文志五	詩上	卷二十二	阜陽縣志前 卷首	總目	藝文志六	詩下	卷二十三	雜志一	機祥 撫史	卷二十四	雜志二	紀聞 備米錄	附
-----	------	---	-----	------	---	------	------	----	------	-------------	----	------	----	------	-----	-------	------	-----	--------	---

原序

景蒙為縣志既訂定目錄矣乃指示同志做諸遠近因據諸史傳而參諸舊志焉時則有庠生趙富華為之采摭有掌教胡君泰為之編次有司訓章君壽卿君堂為之校讐景蒙然後乃敢固而折衷焉又各為序於石為論於左而胡君問亦著論於後乃加某曰二字以別之其為紀一表五志八傳十有二通二十卷所謂紀者述唐虞以來三千八百九十四年之事其間天人之際固有小變中變大變之殊斯三變者即太史公三統大備之意乃一郡之大綱也大綱所載無非郡縣之事郡縣有沿革有疆域有封爵有

阜陽縣志

卷首 原序

一

職官與人物無微不闡幽苟不系而表之則年次何由而致故史雖失編年之法而今之表則尚存編年遺意也是故諸表親手郡縣疆域而百世之因革封守可考也親手封爵而一郡之大勢可考也親手職官而一時用人之得失可考也親手人物而歷代人物之優劣可考也志首輿地志地理也班固以十二次配十二野其古人棲星分野而重野分州者乎古之民風係於水土之風氣而其俗又係於為政者之好尚焉故志地理而分野風俗在其中矣建置志其城池郡縣治與大小署制也建置為國家之制故次之食貨志其版籍田制與物產也而食貨為國家

之本故又次之清源志水也水利不興則財用無由而足故清源又次之民富而後教之故次之以禮樂周子曰禮理也樂和也陰陽理而後和君君臣臣父父子子凡兄弟夫婦婦萬物各得其理而後和夫物至各得其理禮斯著矣而至於和樂由生矣此禮樂自然之本也若夫玉帛交錯鐘鼓鏗鏘者特為禮樂之文與夫二禮所記諸史所志者又皆器數之末耳昔顏子問為邦而夫子兼取四代禮樂為教蓋斯二者誠為為治所先為作志所本也學校禮官也所以成教者在是故次之以學校古於教化乃以兵制輔之故志以兵衛終焉其中不忘藝文者以後世

阜陽縣志

卷首 原序

二

文浮於實垂之不遠不敢與經史並列也不志刑法者以唐虞兵刑之官合而為一故以之附於兵衛也其列傳曰命使曰通賓曰名將曰死事者親志也曰名宦報功也曰鄉賢報德也曰孝義曰貞烈崇節也曰遺逸尚志也曰儒寓尊賢也凡此皆聖王制禮法修教化三綱正九疇叙百姓太和萬物咸若之效也其曰方技閭閻也曰外傳錄亂也此即所謂後世禮法不修下民困苦代變新聲故洛慈慈導欲增慈故有賊君素父輕生敗倫不可禁者也夫世有亂臣而後有忠臣出此天理之在人心不待禮法教化而興者又不可以常理論也其末有曰不復古禮不變今

樂而欲至治者遠矣噫周子禮樂之論真有助於聖門有
關於聖教而為治之所先乎故作志者亦本之然昔人
謂為史傳易為志難知乎此則志誠難而傳亦不易也
嘉靖十五年丙申夏五月戊寅象郡呂景蒙序

阜陽縣志

卷首

原序

三

原序

穎無名山大川而龍淵齒劍鍾阜不凡毋亦汝穎延潤之
沃衍耶邱西湖之鬱積歟然一穎也昔何續夸質直雁乎
天地中氣也今何習祖攷議天地之中氣銷鑠無餘寧獨
教化不行綱紀凌遲哉文獻不足鑒戒無憑使人倖依然
易面而不知所之則郡乘之條非細事也舊志成化間同
知廬陵劉公節鉤集蒐羅校讐核而詳質而不佞良史才
也久而湮廢鮮有藏者嘉靖初州倅象郡呂公景蒙取劉
公原本稍加訂正續以新編議論正大褒貶不戾雖多援
古典迂滯而無當於類然簡確嚴密猶為實錄嘉靖中郡

阜陽縣志

卷首

原序

四

大夫甫田李公宜春增修多出山人墨客之手實損而繁
滋意散而詞蕪大失呂公之舊行之不逮殘缺無遺矣今
所存獨呂板在歲逾五紀增修闕如識者不任日暮月昃
之憾時郡中議重纂述屬之儀曹寧爾強氏比部徐元禮
氏與不佞兄弟及郡壘二三士共成之不佞伏枕經年淹
兩臘而後脫素綱目義例大都如劉呂間採與論稍為增
飾雖寡陋無文然師心臆古鑒空而為之不敢也於吾穎
曠夸質直之氣竊謂不無少補云茲舉也郡大夫晉江述
庵林公倡其議至終其事以奏績者則郡大夫扶風厚吾
孫公之為也記之以詒來茲云萬曆三十三年歲在己巳

嘉平月郡人張鶴鳴撰

阜陽縣志

卷首

原序

五

原序

古者列國皆有史官掌記時事今之志蓋其遺意也昔夫子嘗曰吾猶及史之闕文也大史之闕非以歷年久遠時事多淹沒無可考耶夫待其闕而難考不如及時為之之愈也吾穎之志凡三易矣一修於成化間兩修於嘉靖間雖有訛駁不同其闕而不詳者多矣歲甲辰溫陵林公慨然重修而委其事於考功張君鶴鳴雖時不佞亦與聞焉乃相與廣搜博訪援古證今畧稱祖備書成尚未及刊而扶風孫公通菴茲上公當世名賢夙抱經濟才蘊奸剽并起廢振頽頽之氣象居能改觀受事甫二載而可紀者已

阜陽縣志

卷首

原序

六

難殫述不佞方以冊封事竣便道故里中觀茲盛美懼其久而失真動夫子之歎乃與司馬劉君允先取前志稍稍增益之俾後之作者不至闕焉而不可考而公之善政亦得昭昭焉為來茲鉅履是吾穎之一大幸也謹序萬曆三十六年歲次戊申暮春之月郡人竄中立撰

原序

周官有左史右史內史又有外史掌邦國之志卿都志也
吾聞古者生子數月則問史書之是無事不記載也三年
五年陳詩觀俗以正民俗是無歲不採摭也夫古昔聖人
豈無刑政之大有綱與革而訪先型采謠俗稽圖版攷時
事何其弗憚煩哉以為文獻不徵賢士大夫之業不傳不
足以昭地靈而發潛幽也君子無所勸以為善而小人無
所懼以為懲也觀風者無所攷核而教者無所施其挽
回也故志者郡乘也亦史乘也有道之世足以鼓吹休明
維德之日亦足扶持共主以道德勝足以翼經以事詞勝

重陽縣志

卷首

原序

七

亦以證史誠重之矣顧志凡三修州判呂公景蒙之志獨
行於世迄今又六十餘年而張攷功元平重訂之邑羅繼
宇囊括古今表裏人事精覈賦役持例發凡一準於史犁
然備矣顧顧地勢善變者字多差訛讀之今有遺恨歲戊
申符卿寧爾強與不佞皆以使事過里扶風孫公出具書
俾之正字且欲付金陵善梓者甚盛心也夫顧自癸巳以
來連歲荒歉人民凋瘵風俗頹敝孫公治績三年澤已愛
民輕徭薄賦銳意興味人情政觀則凡政時之政善後之
政有便於民者何可無紀歟且及今不紀後此郡乘之修
又未知幾幾十年即有實字之舉善於攷往恐耳聞終不

如目見之為真也然不得謂之續修者以甲辰之前皆張
攷功舊章而不得不紀其補者以甲辰以後之事則不佞
與寧爾強之所增入者也郡人劉九光撰

重陽縣志

卷首

原序

八

原序

夫志以記事作之朝廷謂之史作之郡邑謂之志輯述闡
隱莫繁訂偽非徒以垂不朽也蓋鏡今昔昭鑒戒有屬世
磨鈍之微意焉類介直省之間襟淮帶河風氣鬱蒸而國
家二百年來人物文章制度損益尚多未備乃增修之役
始於甲辰終於乙巳數君子經幾蒐羅而後成書無奈梓
人之多訛也有識者不無遺憾焉關西原翁孫公來守是
郡才優政舉化行俗美宿弊盡剔文事聿興於是慨然舉
前所修郡乘而改正更定之凡若干卷蒐金陵善鈔者付
之工既告竣屬具後序於余余不能文延六官之義則余

阜陽縣志

卷首

原序

九

所竊取也因曰夫志之言識也又言誌也蒐往跡舉時事
殫其見聞巨擘鉅綱總志周道足以識諸無窮且也是非
不擇美刺無爽今後之君子知所勸懲興起於善弗納於
邪皆此物此志也殆與國乘信史同一激揚矣故夫子曰
吾志在春秋而亂臣賊子懼知我罪我不恤焉若夫紀與
圖紀風俗凡載在簡冊者夫既據三長明五例并取徐
非余小子所敢贅獨其事事雅志惟期仰瞻春秋耳後之
覽者幸勿猶拘視之庶不負斯志也于是授也倡其議者
溫陵林公董其成者汝風孫公而尸其事成功張君至於
纂衍卿徐比部孫計部李東諸君及郡學士皆相與有

增定力也例得並書云郡人李經禮撰

阜陽縣志

卷首

原序

十

原序

賴志之成也非予功也予終之云爾何終乎爾有先予而纂者前牧守星臺孫公公克始事乎賴名家李儲閣劉幼功諸孝廉及二三文學之士能讀八索九邱博典記而習舊聞念賴道氣幾數其間奇節幽光耆賢碩宦以及山川形勝清畝祠梁興舉革除湮沒未詳殘亂失次一旦天子廣國史之傳做宋太平興國命博雅之臣蒐輯方誌將列郡各有新書而汝陰獨缺是司牧差而賴賢者之責也為慙慙公微名儒張紫宸協修之諸君首事之功茂哉及于鄙陋不文受星臺已成之書莫能復贊一詞然竊覽其政

阜陽縣志 卷首 原序 上

訂詳確補編華瞻雖物土職業煙火廬宇較昔盛衰有間焉而觀乎人傑蔚起青雲馳若張氏之風徽卓絕勿容複頌至華望如李既聯標平鳳池碩宿如滑且蜚聲於聽馬多才如劉信美雁之盈庭宏抱如郝美珪璋之特達登夫韓武王梁譽楚踵接由后視前川岳之秀鍾鬱之奇皇哉獨烈矣抑按賴地漢隸郡隋屬州前代又以賴衛附豫而州列南省則賴固吳楚粵區尤江洛之表也幅員若此賢豪若彼洵泱泱大風也哉况際賴輝允升朱君江左偉賢也品潔文峭彷彿歐陽於修志寔左右之昔歐公曾家於賴朱君鐸賴亦最久其纂成賴志可不謂繼歐公之史

筆者哉宜諸賢詮述之美燁然聳觀焉予雖莫能復贊一詞敢不襄厥事而終之剞劂是以役竣併紀其實而弁之順治甲午蒲月之吉知賴州事東海王天民率真手題

阜陽縣志

卷首

原序

十三

原序

吾穎居河之南江之北蓋中原股肱郡也故宋都汴梁既
康而服明都建業亦隸留司雖平野無山而衆川環繞靈
秀斯鍾賢豪夙喜宦遊俊傑時多蔚起其稱文獻之邦由
宋嘉矣第時有治亂地有廢興政績有盛衰民風有厚薄
皆藉州乘一書以昭勸戒在宋迄無可攷明成化間同知
劉公節嘗纂之嘉靖時修於判官呂公景蒙萬曆時修於
張大司馬增補於賓符卿劉方伯諸先正迨至清朝順治
初州守公天民續修於兵燹之後其間寂寥多訛自是以
來又六十餘年矣若弗及今記載將墜遺之賢蔚起之後

阜陽縣志

卷首

原序

十三

忠孝廉節之懿美不幾湮沒失傳耶識士大夫之責也歲
乙未余蒙聖恩于歸還鄉祀憲杜門人事俱廢乃與同里
緒紳先生商定蒐輯履屬門下士武林王生錫重修增刪
編次閱一載告成命工開雕親加訂正後有同志嗣而踵
之庶時地政績民風瞭如指掌而舊邦文獻不類祀宋之
無徵也已康熙五十五年歲次丙申孟秋月穀旦予告先
隸大夫建撫河南等處地方提督軍務兼理河道兵部左
侍郎兼都察院右副都御史加四級都人鹿祐謹序

原序

郡邑之有志猶國之有史也作之固難修之亦不易何也
作者創始而已修則加潤色焉然所謂潤色者非徒增華
致飾雕繪於句字之間而已也將必使前之訛繆者於我
乎正後之闕畧者於我乎補而後可以備一方之記載稱
千古之信編不然猶是踵襲襲外不足以傳世行遠者固
不如其已賴之有志由來舊已予始蒞茲地即索而閱之
其於歐陽公所謂民淳俗簡而物產美土厚水甘而風氣
和者以其所見核其所稽既信而有徵矣而具人物之藏
否名實之遠邇體裁之得失固未暇深致也今予告夫中

阜陽縣志

卷首

原序

十四

丞鹿公與鄉薦紳先生慨然修之既成而以示予予重加
綜覽而後歎公於是書其功勳矣夫古君子立言之道非
獨自為撰述成一家言然復稟精極思於其間也即技藝
往牘排纂成說亦必語焉發詳擇焉務精之意行之誠以
前人之書不能有瑜無瑕雖以太史之襟而叔皮且幾其
刊落不盡況其下者乎惟不具三長明五例則已既具且
明則刪訂增損之勞固不得已也舊志規模整肅所立
名目一遵班馬體製亦云佳矣然按之官譜載非其地而
闕入理費或混其舊而接陳藝文則摭摭未當災祥則位
置失宜雖小有踳駁然亦良史之累是書悉取而釐正之

茲後人物盡而實賦實搜採富而別擇嚴警案之有執般
之揚之春之掄之期於精鑒而後已至於耆賢節烈凡昔
所偶遺今所宜登者咸增入之所以表微聞幽者一本諸
善善欲長之義於是統繆以正闕畧以補凡編摩閱歲而
後成可不謂勤乎昔劉知幾稱地理當以常璩華陽圖志
為第一倘見是書宜有積薪之歎矣抑潁地枕豫跨荆三
川環之其士大夫淵懿而明秀其小人勤本而節用水陸
之產四時不竭而僻在一隅輟車商舶不至焉故其地雖
吾而人罕知有是書出吾恐愚穎之詩不獨歐公有作也
乙康熙五十五年歲在丙申八月既望知潁州事折津張

集陽縣志

卷首

原序

十五

鈐頌首拜撰

原序

職最親民莫如縣縣有志以核發理政古今凡山川城池
鄉都田賦物產戶口風俗職官學校祠祀武備關津郵傳
及先賢耆舊忠孝節烈可法可傳藝文可備掌故者謹錄
於篇其有傳疑寧闕毋濫義同國史辨以興教化厚風俗
俾士民咸知敦倫力本謹讓型仁典至重也年陽雖新置
邑疆理四至實得潁州之全即秦漢所置汝陰縣千數百
年至宋金未改逮元省入潁州有明因之國朝惟州為府
名雖不同而州所治地未嘗稍有盈縮疆理厥維舊哉城
即胡于國夏侯嬰所封鄧艾屯田所駐唐宋以來題咏甚

集陽縣志

卷首

原序

十六

多歐錄妻呂諸公達覽諸歌劇詩奮勇出奇儲藏之處猶
可想見巨川有長淮汝潁沙泥遺蹟有郭邱細陽任城西
湖百尺堰自昔號為原隰沃衍歲至申余膺聖天子簡命
來守是邦適當府志告成惟府所統州縣前皆有志而附
郭新設集陽志獨缺焉雖州有舊志記載亦多訛舛縣令
潘君最有創修之舉用延其執友王君麟徵俾典其事晨
夕商確閱六月告成余受而觀之見其蒐羅詳訂異同網
羅散佚覺縣名雖新地則汝陰之舊志編羅據潁州舊志
體則增損維新也十餘門所列根本炳然於縣職當教斯
民所當兢兢加之意者為益甚鉅潘君以名孝廉調繁是

邑起廢舉美政日新於斯志亦可窺其一端云乾隆二十
十年歲次乙亥知潁州府事胡格謹序

阜陽縣志

卷首

原序

十七

原序

縣之有志所紀載止一方面上則出治者所宜資下則奉
祀者所宜鑑以是為不可闕之籍賴自政府設附郭阜陽
縣二十年於茲為其間人民之衆物類之錯雜則之因事
風俗之淳薄以及官古應進前言往行財賦兵農之增損
宮室里道之更移雖舊具前守王公府志而卷後有限脫
漏頗多則阜陽則必可無非志也余承乏是縣自以德賢
能鮮不克勝任而適有廢堡報亦不辭乎興作顧倉儲事
鉅可或緩國難老反設壽王君於署與共商確其體檢不
增舊志然必究所自始則觀見乎此學易明編則據
實直書不敢意為去取其論著則該而不妄闕而不僣
可正諸大雅抑余於此苟不能無憾曷時賴人則政功體
仁作難起雖昨究書至今脩志者猶藉為鑑今距強功
沒且五十餘年器心掌故已無其人其他事深經術才推
顯轉求之舊版卒不可得則使書蹟儒林文苑藝文僅幻
于前而不能有加於昔此余與王君重為歎息而猶望斯
地之良有以振興興鎮也是為序乾隆二十年歲次乙亥
仲秋阜陽縣知縣潘世仁謹序

阜陽縣志

卷首

原序

十八

重修阜陽縣志序

阜陽地連豫省有為垣西北之門戶距城連者數百里其西鄙與新息項沈錯壤風俗最為悍鄙又數十大族聚處其間與四縣之民皆有宗族親戚往來族中結禁之倫習成慷慨引決之風子弟得會之者動輒數十百人固其風氣然也亦由地土瘠薄餬水蓄而無洩力田無獲從非者日衆相激之勢成之就四方之害言之西方延河淤塞銅水泛溢數十里而候寨瓦店諸集之閭閻咸矣北方母猪白魚諸港被蕪而淝河沿邊之居民難而賦匪聚處南方之洪河谷河皆大灣沃壤廣輪數百十里一年之收可備

阜陽縣志序

一

數年之食其利最普而惠最犬其難治獨曰歸因方此方幸民俗勤儉而為非尚少東甬甯江口縣雖而歸乎湖之水不能暢流新河自秦莊集南臨歸馬仰易淤非以時疏濬其害日甚無有底止其健西縣濶濶五河石不數而西渠要皆淤填不治所幸者渠河沙河無懸壑他以此水力尚可為要之水之利害在反復之間其害成而民之身家性情胥中其禍而不知其受病之源蓋其於縣國諸魚而裁蘆葦次之使畔岸又次之為之患甚焉然於疏濬科派而不知使道使民之事然獨臨治者上下相習十年五夫以全境之水道連阜即以全阜之民風還俗矣予來治之

經年下鄉之使無不目稽心維欲使合邑之鄉保各繪圖

說而未竟也圖說備欲另輯一卷以附志乘適原任李公心衆之修是志也間往諮商政務公於民風最悉於水經最熟其辨汝潁源委可剖前志之謬其懇懇致意者尤在上蔡康波湖一渠嗟乎此渠居民爭蠅頭之利時欲東灌其危關手數百里之性命矣李公錄之委備可謂知所輕重者若夫此邑民氣敦龐士尚節義節孝之家雖婦人孺子其志較然不欺直視死而如歸李公皆極力闡揚之亦化民起治之源也其他天璽有度地產有宜皆依舊志為之次第務在不矜為異不苟雷同秩秩乎條舉綱維以待

阜陽縣志序

二

後之君子此書凡四閱寒暑始於某任迄於今年而始成編嗟夫文獻者所以資治也為治之人不可知文獻何可一日無哉道光九年季夏朔日知縣事周天爵謹序

重修阜陽縣志序

志之體創始班氏列史沿其例厥後詳地理者多因之以名編方今聖人在上版輿清瀛海同風一統省府志外凡屬縣寓分區固不輯志書以徵文獻非徒以侈名勝飾僻陋矜著述之能云爾也古今政治之因革斯民習尚之異同設教保邦之不可一日緩其以師前事樹典型端風化備政證蒐羅者咸屬為政所必資故雖非史體而用較諸史尤切近焉阜陽縣志自乾隆二十年潘君世仁修後迄今七十餘年遺聞故實漸即湮沒道光四年因奉文輯通省志遂有重修之議予方設局經始旋因事中輟而戍

阜陽縣志 李序

一

歲冬前陞縣劉君莊年九邑人之請仍以此書囑予主纂予夙有心斯邑爰應之不辭三易寒暑延克成帙其所謂攷據之詳博體例之謹嚴因地制宜之經緯與前人大手筆萬萬不逮而於斯邑之一切關要利賴處身所親歷目所經驗竊悉為補輯以信今傳後古人可作或亦能鑒乎心則夫稽輿地而識古今區畫之宜政食貨風俗而求斯民性情之所欲所悉觀學校武備而仰副國家牘民興行安益求安之深心有職官宦業以為前事師選舉人物以為庠序教崇風化而有列女踪攷證而有藝文廣蒐羅而存雜志皆其後之蒞此者酌時宜而施之庶非覓言爾茲

以剞劂者竣事謹弁言於首以為序若必遠徵博引謂三代時之九邱亦即九州志者竊恐隣附會穿鑿之譏予固弗敢出也道光九年季夏朔日前知縣事李復慶謹序

阜陽縣志 李序

二

阜陽縣志重修姓氏

鑒定

特調補州府知府戶部江南司郎中刑部主事司員外郎趙帶加二級紀保四次

胡調元

福建汀州人
庚午訓導

主修

署阜陽縣知縣候補知縣加二級

劉虎文

直隸武清人
戊午舉人

調署阜陽縣知縣候補知縣加二級

李復慶

四川達漢人
癸酉拔貢

署阜陽縣知縣候補府同知加二級

陶 沅

江蘇元和
生員

特調阜陽縣知縣金保案真蘇州府

劉耀椿

山東安邱人
庚辰進士

特調阜陽縣知縣加三級

周天爵

山東東阿人
辛未進士

協修

阜陽縣志 卷首 姓氏

阜陽縣學訓導

蔣景曾

江蘇長洲人
甲子舉人

監局

署阜陽縣方家集縣丞

王承祖

廣東海康人

阜陽縣沈邱集巡檢

程曦溶

江蘇嘉定人

阜陽縣典史

徐繩武

江蘇長洲人
監生

纂輯

前任阜陽縣知縣

李復慶

泉心

參閱邑人侯養

候選未入流

陳家桂

江西人
監生

舉人候選國子監學錄

連鼎彝

邑人

舉人候補知縣 楊澤川

前署阜陽縣訓導候補貢生 張鈞樂

廩 貢 生 劉澤普

歲貢生候選訓導 李春林

採訪 貢 生 邢士秀

拔 貢 生 程 溶

歲貢生候選訓導 孫象賢

歲貢生候選訓導 王庭槐

廩 生 時沛澤

廩 生 田 豫

阜陽縣志 卷首 姓氏

廩 生 高培因

廩 貢 生 候選訓導 劉冲環

廩 貢 生 唐煥章

廩 貢 生 連東銓

廩 貢 生 盧 勳

廩 貢 生 唐大章

廩 貢 生 連 昶

廩 貢 生 王煥然

廩 貢 生 劉騰甲